



# The Holy See

---

IOANNES PAULUS EPISCOPUS  
SERVUS SERVORUM DEI  
AD PERPETUAM REI MEMORIAM

CONSTITUTIO APOSTOLICA

***SOPHIAE ET PHILIPPOLIS\****

VICARIATUS APOSTOLICUS SOPHIAE ET  
PHILIPPOLIS AD DIOECESIS GRADUM EVEHITUR

Ex quo divina summi Dei providentia in beatissimi Petri cathedra collocati sumus, Christifidelium omnium patres atque pastores, ex eo sane nullam hac maiorem aut curam aut diligentiam adhibuimus, quam ut singulis Ecclesiis qua aptiore posset ratione, etiam per externam rerum dispositionem provideremus : semper enim forma ac temperatio Ecclesiarum accommodatior haud tenues consuevit afferre utilitates. Quam ob rem, cum Vicariatus Apostolicus Sophiae et Philippopolis, qui est in Bulgaria, anno millesimo septingentesimo quinquagesimo octavo conditus pro fidelibus ritus Latini, divina operante gratia, sparsum semen evangelicae veritatis strenue servaverit, visum est ad eius incrementum bene posse ad gradum et dignitatem dioecesis tolli posse. Placet ergo, post rem diu cum animo reputatam, Vicariatum Apostolicum Sophiae et Philippopolis in ordinem dioecesium redigere, factis nempe iuribus atque oneribus, quae circumscriptionibus ecclesiasticis huius generis iure fieri solent. Placet etiam novam dioecesim huic Apostolicae Sedi esse recto subiectam. Contrariis minime obstantibus.

*Datum Romae apud S. Petrum, die tertio mensis Martii, anno Domini millesimo nongentesimo septuagesimo nono, Pontificatus Nostri primo.*

AUGUSTINUS Card. CASAROLI <i>a Publicis Ecclesiae Negotiis</i>	PETRUS P. Card. PHILIPPE <i>S. Congr. pro Eccl. Orient.Praefectus</i>
---	--

Iosephus Del Ton, *Protonot. Apost.*

\*AAS, vol. LXXI (1979), n. 9, pp. 637-638.

---

Copyright © Dicastero per la Comunicazione - Libreria Editrice Vaticana